

第六二七冊

理學彙編

文學典

文學名家列傳

(卷)
六一六

古今圖書集成

中華書局影印

古今圖書集成

中華書局影印

欽定古今圖書集成理學彙編文學典

第六十卷目錄

文學名家列傳四十八

唐十二

李羣玉	王璘
司馬貞	張頂
雍陶	來鵬
來鵠	任濤
劉蛻	段成式
李昌符	錢珝
公乘億	嚴渾
許棠	汪遵
盧嗣立	李頻
鄭愚	李拯
吳融	康駟
張固	盧渥
薛能	侯翻
陳萬言	李山甫
曹松	陳光問
王希羽	盧知欽
韓偓	司空圖
鄭史	鄭谷
王駕	孫路
陸龜蒙	皮日休
皮光業	唐彥謙
李巨川	杜荀鶴
顧雲	張喬

夏鴻

韋象

殷文圭

張曙

鄭良士

陳岳

楊彥伯

胡會

趙觀文

武瓘

袁皓

張道古

韋莊

張蟾

溫憲

李洞

唐求

方干

陸戾

吳仁璧

羅鄴

羅隱

楊顥

周朴

張爲

僧貫休

徐元之

薛據

王肱

杜光庭

楊奇鯤

賈餘綯

文學典第六十卷

文學名家列傳四十八

唐十二

李羣玉

按全唐詩話羣玉字文山澧州人裴休觀察湖南厚延致之及爲相以詩論薦授校書郎羣玉好吹笙善急就章喜食鵝及授校書郎東歸盧肇送詩云妙吹應諧鳳工書定得鵝杜丞相相從筵中贈美人云裙拖六幅瀟湘水鬢聳巫山千朵雲貌態祗應天上有歌

聲豈合世間聞曾前瑞雪燈斜照眼底桃花酒半醺

不是相如憐賦客肯教容易見文君羣玉解天祿之

任而歸洛陽經二妃廟題云小孤洲北浦雲邊二女

明粧玉儼然野廟向江春寂寂古碑無字草芊芊風

迴日莫吹芳芷月落山深吳杜鵑猶似含嚔望巡符

九疑凝黛隔湘川又曰黃陵廟前春已空于規啼血

滴松風不知精爽落何處疑是行雲秋色中羣玉疑

春空遂至秋色欲易之恍若有物告以二年之兆時

潯陽太守段成式志其事二年後果死於洪井段以

詩哭之曰會話黃陵事今爲白日催老無男女累誰

哭到泉臺

按北夢瑣言李羣玉校書字文山澧州人有詩名散

逸不樂應舉親友強之一上而已嘗受知於相國河

東裴公休爲其延譽因進詩授弘文館校書終於荆

襄間然多狎酒徒疑其爲張祐之流李少逢善吏諫

官澧陽備知其行止因爲記之乃清介高節之人非

輕率之士疑爲同人所誘或曰會爲荆之幕下假書

題謁澧吏艾使君李謂艾侯曰小子困甚幸使君痛

救之州將以其輕脫所濟不厚也

按湖廣通志李羣玉字文山澧陽人文采藻麗長於

詩賦不樂仕進宰相裴休愛其才與令狐綯薦之朝

詞云冥鴻不歸羽翰自逸羣約遠跡文采愈奇授弘

文館校書郎

王璘

按長沙府志王璘長沙人詞學富贍往應日試萬言科請十書吏皆給筆札口授十書吏手不停札首題黃河賦三千字復爲烏散餘花落詩二十首未停午

已就七千言時路岩當軸名之璘請候帝岩怒詎罷萬言科璘杖策歸放懷杯酒與李羣玉相遇嶽麓玉待之甚淺因與聯句璘不停思至芍藥花開菩薩面櫻欄葉散夜叉頭羣玉屈服

司馬貞

按河南通志司馬貞河內人爲弘文館學士著史記索隱三十卷招摭異聞釋文演註又糾王裴註援据精密後二卷爲述贊世號小司馬史記

張頂

按江西通志張頂臨川人隱居不仕大中間蔡公京守郡遊放生池有乘小舟釣者使詰之釣者口授一詩云拋却長竿捲却絲手攜蓑笠味新詩臨川太守清如鏡不是漁人下釣時蔡曰此必張頂也亟物色之遂遁

雍陶

按全唐詩話陶字國鈞大中八年自國子毛詩博士出刺簡州陶蜀川上第後稍薄親黨其舅雲安劉敬之罷舉歸三峽責陶不寄書曰山近衡陽雖少屬水連巴字豈無魚陶得詩悵報乃有孤首之思後爲簡州牧自比謝宣城柳吳興實至則折之聞者亦怠投贊者稀得見有馮道明下第請謁云與員外故舊聞者以道明言啓之及引進陶詢曰與公昧平生何云相識道明云誦員外之詩仰員外之德詩集中日得相見何隔平生也遂吟曰立當青草人先見行傍白蓮魚未知又曰江聲秋入寺雨氣夜侵樓又曰閉門客到常疑病滿院花開不似貧陶聞吟欣狎待道明如曩昔之友君子以雍君矜誇而好媚馮子匪藝而

來鵬

按南昌郡乘來鵬南昌人詩思清麗嘗游楚寒食有詩曰分明記得還家路徐孺宅前湖水東當時誦爲佳句章尚書由觀察江西甚重之欲以女女之而未果

按北夢瑣言唐進士來鵬詩思清麗福建章尚書宙愛其才曾欲以子妻之而不果後遊蜀夏課卷中有詩云一夜綠荷風剪破賺他秋雨不成珠者以爲不祥是歲不隨秋賦而卒於通議郎

來鵠

按南昌郡乘來鵠南昌人鵬之昆弟也爲文師韓柳有詩才大中咸通間聲籍甚嘗觀穆宗實錄稱帝設史官執筆廷中曰書起居注號聖政紀鵠美其事作頌曰嗚呼貞觀多吁求徵多兪廷日發論殿日發謨牙孽不作鳥鼠不除楹然史臣蛇然史裾翹筆當面決防納污故得聚聚朝典落落廷鸞聖牘既多堯風不淺無閑殿曠廷無尸安素晏太宗得之史焉斯展暨乎後相圖身天子專問我獨以言史不得近班退史歸憫然嚙依奏閣莫覩嘉謨固稀取彼詰命錄爲國肥俾德音嘉訪默縮暗亡咽典噤法蓋聖寵昌殷空展逸朝惜廷荒穆宗憮然若疚若營昔何伊斯隱我祖正不傳親問不寫密靜孰示來朝以光神政由是天呼靈吸微齊召急史題筆來叱廷而入君也盡問臣也倒誠大何不顯細何不明語未絕緒史已錄成謂之何書以政紀名伊紀清芬可昭典墳錄有君法書有君文蓋以寓規諫也鵠又著儉不至說云鵠

腐帛而火焚者嗅得之必驚相詢也委餘食在地者見之必惜相讓也然而家有無用之費其去焚餘帛棄餘食亦大相遠矣而卒無有能驚駭之者欲無困乏得乎哉其持論如此

任濟

按江西通志任濟高安人性慧超羣詩名早著常侍鸞觀察江西聞其詩有露薄沙鶴起人臥釣船流之句遂特免其役鄉民有援例訟之者鸞大書判云江西界內如有詩似濟者並與免役無敢應者咸通中登進士時謂之一哲

劉蛻

按湖廣通志劉蛻字復愚長沙府人唐懿宗時進士爲左拾遺時帝以內臣爲巡驛使臺諫爭之帝以勅命已行不可復改蛻上言勅自陛下出之自陛下改之何爲不可帝又欲以令狐滈爲蛻同官蛻上言滈傳家無子弟之法布衣行公相之權其父絢訴之帝弗悅貶蛻爲山陽令蛻寓居潼州垂老瘞其文刻石自爲銘

段成式

按唐書段志元傳志元三世孫文昌文昌子成式字柯古推陰爲校書郎博學強記多奇篇祕籍侍父於蜀以畋獵自放文昌遣吏自其意諫止明日以雉兔徧遺幕府人爲書因所獲儼前世事無複用者衆大驚擢累尚書郎爲吉州刺史終太常少卿著酉陽書數十篇子安節乾寧中爲國子司業善樂律能自度曲云

按舊唐書段文昌傳文昌子成式字柯古以蔭入官

爲祕書省校書郎研精苦學祕閣書籍披閱皆遍累遷尚書郎咸通初出爲江州刺史解印寓居襄陽以閒放自適家多書史用以自娛尤深於佛書所著西陽雜俎傳於時

按全唐詩話成式字柯古文昌之子博學強記多奇篇祕籍常於私第鑿池得片鐵命尺周量之笑而不言寘之密室時覽之則有金書小字報十二時也其博物類此終太常少卿

李昌符

按全唐詩話昌符字崑夢登咸通四年進士第歷尚書郎

北夢瑣言云咸通中前進士李昌符有詩名久不登第常歲卷軸怠於裝修因出一奇乃作婢僕詩五十首於公卿間行之其間有詩云春娘愛上酒家樓不怕歸遲總不憂報道那家娘子臥且留教住待梳頭又云不論秋菊與春花個個能噓空吐茶無事莫教頻入庫一名閑物要些些諸篇皆中婢僕之諱決句京城盛傳是年登第與夫桃杖虎靴事雖不同用奇即無異也

錢珣

按唐書錢徵傳徵子方義方義子珣珣字瑞文善文辭宰相王溥薦知制誥進中書舍人溥得罪珣貶撫州司馬

公乘億

按全唐詩話億字壽仙魏人與李山甫皆爲魏博樂彥禎幕府億以詞賦著名咸通十三年別家十餘年矣嘗大病鄉人傳以死其妻自河北迎喪會億送客

馬上見婦人纓線類其妻也睇睨不已妻亦如之詰之則是也相持而哭路人異之後旬日登第億嘗有詩云十上十年皆落第一家一半已成塵可知其屈矣

嚴憚

按全唐詩話皮日休傷嚴子重序云余爲童在鄉校時簡上林杜舍人牧之集見有與進士嚴憚詩後至吳一日有客曰嚴某余志其各久矣遽懷文見造於是樂甚觀其所爲文工於七字往往有清便柔媚時可軼駿於常軌其佳者曰春光冉冉歸何處更向花前把一杯盡日問花花不語爲誰零落爲誰開余美之諷誦未嘗怠生舉進士亦十餘計惜余方寬之謂終有得於時也未幾歸吳與後兩暮咸通十年也嘗人至云生以疾亡於所居矣噫生徒以詞聞於士大夫竟不名而逝豈止此而埋沒耶江湖間多美材士君子苟樂退而有文者死無不爲時惜可勝言耶於是哭而爲詩魯望生之友也嘗爲我作詩云十哭都門榜上塵蓋棺終是五湖人生前有敵唯丹桂後無家祗白蘋若下斬新醒處月江南依舊詠來春知君精爽應無盡必在鄴都頌帝晨

許棠

按涇縣志許棠字文化幼警敏咸通中與張喬俞坦之劇燕任濟吳宰張蠙周繇鄭谷李栖遠溫憲李昌符謂之十哲賦洞庭詩有云四顧疑無地中流忽有山人以題扇遂稱許洞庭又棠詩多隱括如曉嶂猿窺戶寒秋鹿眠冰當空吟待月到晚坐看山類能恬淡絕物者累舉進士不第李建州頴嘗首薦之薛能

戲以詩曰君似貧無計因何事有成及辛卯高湜知貢舉時士多請託權貴湜抵牾於地曰君必以至公得譴分也乃取彞夷中泊棠時號得人調涇縣尉卒著有詩一卷載宋馬端臨文籍考今散見別集者有十餘篇並典雅有致

按全唐詩話許棠久困名場咸通末馬戴佐大同軍幕棠往謁之一見如舊相識畱連數月但詩酒而已未嘗問所欲一旦大會賓友命使者以棠家書授之棠驚愕莫知其來啓緘即知戴潛遣一介恤其家矣

汪遵

按涇縣志汪遵幼爲吏許棠二十餘舉遵猶在胥徒善絕句詩而深自晦密一旦辭役就貢會棠送客灞澗遇遵訊曰汪都何以至此遵曰就貢棠怒曰小吏無禮然遵竟先棠五年登第著有詠史詩

盧嗣立

按江南通志盧嗣立貴池人爲江左之傑登咸通進士僉謂科目得人吏部侍郎高元裕以詩與知貢舉陳商有中丞爲國拔賢才寒俊欣逢藻鑑開之句蓋指嗣立也

李頻

按唐書文藝傳李頻字德新睦州壽昌人少秀悟逮長廬西山多所記覽其屬辭於詩尤長與里人方干善給事中姚合名爲詩士多歸重頻走千里丐其品合大加獎挹以女妻之大中八年擢進士第調祕書郎爲南陵主簿判入等再遷武功令於是畿民多籍神策軍吏以其橫類假借不敢繩以法頻至有神策士尚君慶通賦六年不送睥然出入閭里頻密擁比

伍與競君慶叩縣廷質頻即械送獄盡條宿惡請於尹殺之督所負無少貸豪猾大驚屏息奉法縣大治有六門堰者歲廢百五十年方歲饑頻發官庖庸民浚渠按故道斷水溉田穀以大稔懿宗嘉之賜緋衣銀魚俄擢侍御史守法不阿徇遷累都官員外郎表巧建州刺史既至以禮法治下更布條教時朝政亂盜興相椎效而建賴頻以安卒官下喪歸父老相與扶柩葬未樂州爲立廟黎山歲祠之天下亂盜發其冢壽昌人隨加封掩云

鄭愚

按廣東通志鄭愚番禺人家世殷富驕從悉統綺鼎食愚幼穎力學嘗作詩云臺山初罷霧岐海正分流漁浦颺來笛鴻遠翼去舟隱然有濟川之志識者知其公輔器云開成二年進士擢第釋褐祕書省校書郎累遷尚書郎咸通初爲桂管觀察使所至廉察吏弊閭境肅然三年嶺南西道節度使蔡京苛慘淫刑爲邕州軍士所逐詔以愚代之瘡痍啓瘳方撫循不暇會南詔入寇安南都護蔡襲告急勅發荆湖卒二千桂管義兵三千詣邕州授愚節度而嶺南東道奏蠻兵決向邕州宜先保護未可馳赴乃勅愚分兵守禦而所發諸道兵竟不進襲力請益兵愚支持半載邕州獲全朝廷反督責之愚乃自言儒生不能折衝請用武臣於是詔義武節度使康承訓代愚發荆襄洪鄂四道兵萬人與俱亟往救襲則已無及矣承訓上言愚在鎮善禦守狀朝廷始知其功徵拜禮部侍郎咸通八年知貢舉舊制詩賦多出古句爲題士蹈習成篇時詔放演中子弟還國愚以此試之士多闕

筆及放榜鄭洪業第一人及第輿論咸頌其公云黃巢平後廣州殘破僖宗命愚出鎮南海以撫綏功召拜尚書右僕射三載卒無子詩文多散逸初愚之蒞桂也平章崔鉉在荆南愚以鉉負重名乃著錦半臂袖所爲文謁之鉉訝愚自爲進士未嘗以文章及門真案不視惟留夜食愚辭出更衣賓從疑其自慚不稱既而復易紅錦就席煥麗踰前衆莫能測鉉因愚出閱其所業歎賞不實曰真銷得錦半臂也愚鎮廣時常於越王山構亭作記今不傳

李拯

按舊唐書文苑傳李拯字昌時隴西人咸通十二年登進士第乾符中累佐府幕黃巢之亂避地平陽僖宗還京召拜尚書郎轉考工郎中知制誥僖宗再幸寶雞拯扈從不及在鳳翔裏王僭號逼爲翰林學士拯既汚僞署心不自安後朱玫秉政百揆無敘典章濁亂拯嘗朝退駐馬國門望南山而吟曰紫宸朝罷綴鸞鸞丹鳳樓前駐馬看唯有終南山色在晴明依舊滿長安吟已涕下及王行瑜殺朱玫裏王出奔京城拯爲亂兵所殺妻盧氏知書能文有姿色拯既死伏其屍慟哭賊逼之堅哭不動又臨之以兵至於斷一臂終不顧爲賊所害人皆傷之

吳融

按唐書文藝傳吳融字子華越州山陰人祖翥有名大中時觀察府召以署吏不應帥高其槩言諸朝賜號文簡先生融學自力富辭調龍紀初及進士第韋昭度計蜀表掌書記遷累侍御史坐累去官流浪荆南依成汭久之召爲左補闕以禮部郎中爲翰林學

士拜中書舍人昭宗反正御南關羣臣稱賀融最先至於時左右歡駭帝有指授疊十許葉融跪作詔少選成語當意詳帝容賞良厚進戶部侍郎鳳翔初遷融不克從去客閬鄉俄召還翰林遷承旨卒官

康駟

按池州府志唐康駟字駕言取駕輕車之意不知其先何人居秋浦之黃老山去殷文圭所居殷村三四十里駟爲於自修與文圭杜荀鶴楊夔夏侯淑王希羽輩名噪一時以故田頌爲寧國軍節度使咸禮而致之幕下稱上客駟自咸通中始隨鄉試貢春官至乾符登進士第故嘗旅秦甸洛師間所及見聞有足補史氏之闕者輒錄成編凡若干卷既歸違江表之亂卷悉亡逸乃復憶於黃老山居僅得十之二三名劇談錄蓋以耕著書終其身

張固

按畿輔通志張固清河人有詩名在唐懿僖間採撫宣宗遺事簡當精覈可以補史氏之闕

盧渥

按全唐詩話渥字子章軒冕之盛近代無比伯仲四人咸居顯列乾符初母憂服闋渥自前中書舍人拜陝府觀察使弟沼前長安令除給事中弟沅自前集賢校理除左拾遺弟沼按原本兩弟俱名沼恐有誤自畿尉遷監察御史詔書疊至士族榮之及赴任陝郊自居守分司朝臣已下牙設祖筵洛城爲之一空都人聳觀互數十里渥題嘉祥驛詩曰交親榮餞洛城空秉鉞戎裝上將同星使自天丹詔下雕鞍照地數程中馬嘶靜谷聲偏響旆映晴山色更紅別後定知人易老滿

街棠樹有遺風渥在舉場甚有時稱會於滄水逆旅遇宣宗微行意其貴人斂身避之帝呼與相見乃自稱進士盧渥帝請詩卷袖而去他日對宰臣語及渥令主司擢第宰臣問渥與主上有何階緣渥具陳其由時亦不以爲忤

薛能

按全唐詩話能字大拙汾州人會昌六年進士大中八年書判入等補盤屋尉辟太原陝虢河陽從事李福鎮滑州表觀察判官歷侍御史都官刑部員外郎福徙西川取爲節度副使咸通中攝嘉州刺史歸朝遷主客度支刑部郎中俄刺同州京兆尹溫璋貶命權知尹事出領感化節度入授工書復節度徐州徙忠武廣明元年徐兵赴潁水經許能以帥徐軍吏懷恩館之州內許軍懼徐人見襲大將周吸因衆怒逐能自稱留後能全家遇害

侯嗣

按北夢瑣言唐光啓中成都人侯嗣風儀端秀有若冰壺以拔萃出身爲郾寧從事僖皇播遷擢拜中書舍人翰林學士內試數題目其詞立就舊族朝士潛推伏之僖宗歸闕除郡不赴歸隱導江別墅號臥龍館王蜀先主圖霸屈致幕府先俸節度判官馮涓侯其可否馮有文章大名除眉州刺史田令孜拒朝命不放之任鞫寓成都爲侯公軫卹甚德之其辭書即馮涓極筆也侯有謝書上王先主其自負云可以行修賤表坐了檄書

陳萬言

按廣東通志陳萬言封川人乾符二年進士爲歙州

刺史周恤民隱能折豪強時稱能吏脫歸隱漁村乃苦刻作詩人稱慕之

李山甫

按全唐詩話李山甫咸通中數舉進士被黜依魏府樂彥植幕府因樂禍且怨中朝大臣導彥植子從訓伏兵殺王鐸刼其家嘗有詩云勸君莫用誇頭角夢裏輪贏總未真議執政也巢寇之亂翰林待詔王邀者北遊在鄴山甫遇於道觀謂曰幽蘭綠水可得聞乎邀應命奏之曲終潸然曰憶在咸通玉亭秋夜供奉至尊不意流離至此也山甫賦詩曰幽蘭綠水耿清音歎息先生枉用心世上幾時曾好古人前何必獨露襟句未成山甫亦自黯然悲其不遇也

曹松

按衡州府志曹松字夢徵學賈島爲詩天復初及第同王希羽劉象柯榮鄭希顏皆七十餘時謂之五老榜授校書郎有詩集三卷

陳光問

按長沙府志陳光問茶陵人治生方雅不雜交游讀書靈巖授徒六十不第一日五鶴鳴舞於庭其友沈彬賀曰此登雲兆也勉其再試果登天復元年第同舉者曹松柯榮劉象鄭希顏年俱六十時謂之五老榜屬國多故間歸舊廬每月夜橫笛冷然有御風意

王希羽

按江南通志王希羽歙人詞藝優博天復元年登第年已七十餘授校正時曹松劉象柯榮鄭希顏年相亞號五老榜

盧知猷

按舊唐書盧簡辭傳兄簡能簡能子知猷知猷登進士第釋褐祕書省正字宰臣蕭鄴鎮江陵成都辟爲兩府記室入拜左拾遺改右補闕史館修撰轉員外郎出爲饒州刺史入拜兵部郎中賜緋魚改吏部郎中太常少卿出爲商州刺史徵拜給事中轉中書舍人僖宗幸山南襄王僞署乃避地金州駕還徵拜工部侍郎轉戶部判史館遷尚書右丞兵部侍郎歷太常卿工部戶部尚書復領太常卿昭宗在華下加檢校右僕射守太子少師進位太子太師檢校司空卒於華下知猷器度長厚文辭美麗尤工書落簡措翰人爭模倣子文度位亦至丞郎

韓偓

按唐書本傳韓偓字致光京兆萬年人擢進士第佐河中幕府召拜左拾遺以疾解復遷累左諫議大夫宰相崔胤判度支表以自副王溥薦爲翰林學士遷中書舍人偓嘗與引定策誅劉季述昭宗反正爲功臣帝疾宦人驕橫欲盡去之偓曰陛下誅季述時餘皆赦不問今又誅之誰不懼死舍垢隱忍須後可也天子威柄今散在方面若上下同心攝領權綱猶冀天下可治宦人忠厚可任者假以恩倖使自剪其黨蔑有不濟今食度支者乃八千人公私牽屬不減二萬雖誅六七巨魁未見有益適固其逆心耳帝前膝曰此一事終始屬卿中書舍人令狐渙任機巧帝常欲以當國俄又悔曰渙作宰相或誤國朕當先用卿辭曰渙再世宰相練故事陛下業已許之若許渙可改許臣獨不可移乎帝曰我未嘗面命亦何憚偓因薦御史大夫趙崇勳正雅重可以準繩中外帝知偓

崇門生也嘆其能讓初李繼昭等以功皆進同中書門下平章事時謂三使相後稍稍更附韓全誨周敬容皆忌引聞召鳳翔李茂貞入朝使畱族子繼筠宿衛僊聞以為不可引不納僊又語令狐渙渙曰吾屬不惜宰相邪無衛軍則為閹豎所圖矣渙曰不然無兵則家與國安有兵則家與國不可保引聞憂未知所出李彥弼見帝僭甚帝不平僊請逐之救其黨許自新則狂謀自破帝不用彥弼諸僊及渙漏禁省語不可與圖政帝曰卿有官屬日夕議事奈何不欲我見學士邪繼昭等飲殿中自如帝怒僊曰三使相有功不如厚與金帛官爵毋使豫政事今宰相不得顧決事繼昭輩所奏必聽他日遽改則人生怨初以衛兵檢中人今敕使衛兵為一臣竊寒心願詔茂貞還其衛軍不然兩鎮兵關闕下朝廷危矣及引召朱全忠討全誨汴兵將至僊勸引督茂貞還衛卒又勸表暴內臣罪因誅全誨等若茂貞不如詔即許全忠入朝未及用而全誨等已劫帝西幸僊夜追及鄂見帝慟哭至鳳翔遷兵部侍郎進承旨宰相韋貽範母喪詔還位僊當草制上言貽範處喪未數月遽使視事傷孝子心今中書事一相可辦陛下誠惜貽範才俟變練而召可也何必使出我冠廟堂入泣血柩側毀瘠則廢務勤恪則忘哀此非人情可處也學士使馬從皓逼僊求草僊曰腕可斷麻不可草從皓曰君求死耶僊曰吾職內署可默默乎明日百官至而麻不出宦侍合謀茂貞入見帝曰命宰相而學士不草麻非反耶艱然出姚洎聞曰使我當直亦繼以死既而帝畏茂貞卒詔貽範還相洎代草麻自是宦黨怒

僊甚從皓讓僊曰南司輕北司甚君乃崔引王溥所薦今日北司雖殺之可也兩軍樞密以君周歲無奉入吾等議救接君知之乎僊不敢對茂貞疑帝間出依全忠以兵衛行在帝行武德殿前因至尚食局會學士獨在宮人招僊僊至再拜哭曰崔引甚健全忠軍必濟帝喜僊曰願陛下還官無為人知帝賜以麪豆而去全誨誅宮人多坐死帝欲盡去餘黨僊曰禮人臣無將將必誅宮婢負恩不可赦然不三十年不能成人盡誅則傷仁願去尤者自內安外以靜羣心帝曰善崔引請以輝王為元帥帝問僊他日累吾兒否僊曰陛下在東內時天陰雲王聞鳥聲曰上與后幽困鳥雀聲亦悲陛下聞之惻然有是帝曰然兒天生忠孝與人異意遂決僊議附引類如此帝反正勵精政事僊處可機密率與帝意合欲相者三四讓不敢當蘇檢復引同輔政遂固辭初僊侍宴與京兆鄭元規威遠使陳班並席辭曰學士不與外班接主席者固請乃坐既元規班至終絕席全忠引臨陞宣事坐者皆去席僊不動曰侍宴無輒立二公將以我為知禮全忠怒僊薄己悻然出有語僊喜侵侮有位引亦與僊忤會逐王溥陸晏帝以王贊趙崇為相引執贊崇非宰相器帝不得已而罷贊崇皆僊所薦為相者全忠見帝斥僊罪帝數顧引引不為解全忠至中書欲召僊殺之鄭元規曰僊位侍郎學士承旨公無遽全忠乃止貶濮州司馬帝執其手流涕曰我左右無人矣再貶榮懿尉徙鄧州司馬天祐二年復召為學士還故官僊不敢入朝挈其族南依王審知而卒兄儀字羽光亦以翰林學士為御史中丞僊貶

之明年帝宴文思毬場全忠入百官坐廡下全忠怒貶儀棣州司馬侍御史歸寓登州司戶參軍按金鑾密記昭宗召僊入院試文五篇萬邦咸賦禹拜昌言賦武臣授東川節度制答佛詹國進貢書批三功臣讓圖形表繳狀云臣才不邁羣器非拔俗待價既殊於櫝玉窮經有愧於簾金遭遇清時涵濡睿澤義冠振佩已塵象闕之班砥筆和鉛更入金門之名擊鉢謝捷纂組非工撫已循涯以榮為懼按南唐近事韓寅亮僊之子也嘗為言僊捐館之日溫帥聞其家藏箱笥頗多而絨繡甚密人罕見者意其必有珍翫使親信發觀惟得燒殘龍鳳燭金鏤紅巾百餘條蠟淚尚新巾香猶鬱有老僕泣然而言曰公為學士日常視草金鑾內殿深夜方還翰苑當時皆宮妓秉燭炬以送公悉藏之自西京之亂得罪南遷十不存一二矣余忝歲延平家有老尼常說斯事與寅亮之言頗同尼即僊之妾云爾

司空圖

按唐書本傳司空圖字表聖河中虞鄉人父與有風幹當大中時盧弘正管鹽鐵表為安邑兩池榷鹽使先是法疏闊吏輕觸禁輿為立約數十條莫不以為宜以勞再遷戶部郎中圖咸通末擢進士禮部侍郎王凝特所獎待俄而凝坐法貶商州圖感知己往從之凝起拜宣歙觀察使乃辟置幕府名為殿中侍御史不忍去凝府臺劾左遷光祿寺主簿分司東都盧攜以故宰相居洛嘉圖節常與遊攜還朝過陝隸屬於觀察使盧渥曰司空御史高士也渥即表為僚佐會攜復執政召拜禮部員外郎尋遷郎中黃巢陷長

安將奔不得前圖弟有奴投章者陷賊執圖手曰我所主張將軍喜下士可往見之無慮死溝中圖不肯往章泣下遂奔咸陽關至河中僖宗次鳳翔即行在拜知制誥遷中書舍人後狩寶雞不獲從又還河中龍紀初復拜舊官以疾解景福中拜諫議大夫不赴後再以戶部侍郎召身謝闕下數日即引去昭宗在華召拜兵部侍郎以足疾固自乞會遷洛陽柳璨希賊臣意誅天下才望助喪王室詔圖入朝圖伴墮笏趣意野老璨知無意於世乃聽還圖本居中條山王官谷有先人田遂隱不出作亭觀素室悉圖唐與節士文人名亭曰休休作文以見志曰休美也既休而美其故量才一宜休揣分二宜休老而賸三宜休又少也情長也率老也迂三者非濟時用則又宜休因自目爲耐辱居士其言詭激不常以免當時禍災云豫爲冢棺遇勝日引客坐壙中賦詩酌酒裴回客或難之圖曰君何不廣邪生死一致吾寧暫遊此中哉每歲時祠禱鼓舞圖與閭里耆老相樂王重榮父子雅重之數饋遺弗受嘗爲作碑贈絹數千圖置虞鄉市人得取之一日盡時寇盜所過殘暴獨不入王官谷士人依以避難朱全忠已篡召爲禮部尚書不起哀帝弑圖聞不食而卒年七十二圖無子以甥爲嗣嘗爲御史所劾昭宗不責也

按舊唐書文苑傳圖本臨淄人曾祖遂密令祖豕水部郎中父與盧攜嘗過圖舍手題于壁曰姓氏司空貴官班御史早老夫如且在不用念屯奇圖有先人別墅在中條山之王官谷泉石林亭頗稱幽棲之意自考榮高臥日與名僧高士遊詠其中布衣鳩杖出

則以女家人鸞臺自隨歲時村社零祭祠禱鼓舞會集圖必造之與野老同席會無傲色有文集三十卷無子以甥荷爲嗣荷官至末州刺史

按全唐詩話王禹偁五代史闕文云圖字表聖自言蒲州人有俊才咸通中登進士第雅好爲文躁於進取頗自矜伐端士鄙之從事使府泊登朝驟歷清顯巢賊之亂車駕播遷圖有先人舊業在中條山極林泉之美圖自禮部員外郎避地焉日以詩酒自娛屬天下板蕩士人多往依之互相推獎由是聲名籍甚昭宗反正以戶部侍郎召至京師圖既負才慢世謂己當爲宰輔時人惡之稍抑其銳圖憤憤謝病復歸中條與人書疏不名官位但稱知非子又稱耐辱居士其所居在樵貽谿之上結茅屋命曰休休亭嘗自爲亭記云云史已上梁謹按圖河中虞鄉人少有文采未爲鄉里所稱會王凝自尚書郎出爲絳州刺史圖以文謁之大爲疑知入知制誥遷中書舍人知貢舉擢圖上第頃之疑出爲宣州觀察使辟圖爲從事既渡江御史府奏圖監察下詔追之圖感疑知己之恩不忍輕離幕府滿百日不起闕爲臺司所劾遂以本官分司久之召拜禮部員外郎俄知制誥故集中有文曰戀恩稽命黜繫洛師于今十年方忝綸閣此豈躁於進取者耶舊史不詳一至於此是圖見唐政多僻知天下必亂即棄官歸中條山尋以中書舍人名拜禮部戶部侍郎皆不起及昭宗播遷華下圖以密邇乘輿即時奔問復歸還山故其詩曰多病形容五十三誰憐借笏赴朝參此豈有意於相位耶河中節度使王重榮請圖撰碑得絹數千匹圖置於虞鄉市中

恣鄉人所取一日而盡是時盜賊充斥獨不入王官谷河中士人依圖避難獲免者甚衆昭宗東遷又以兵部侍郎召至洛下爲柳璨所阻一謝而退梁祖受禪以禮部尚書名辭以老病卒時年八十餘又按梁室大臣乃至有如敬翔李振杜曉楊涉等皆唐朝舊族本以忠義立身重侯累將三百餘年一旦委質朱梁其甚者贊成弑逆唯圖以清直避世終身不仕梁祖故梁史捨圖小瑕以泯大節者良有以夫題休休亭之楹曰咄咄休休莫莫伎倆雖多性靈惡賴是長教閑處著休休莫莫一局棋一爐藥天意時情可料度白日偏催快活人黃金難買堪騎鶴若曰爾何能答云耐辱莫柳璨爲相臣僚多被放逐圖爲監察御史尤加畏慎昭宗郊禮畢上章懇乞致仕曰察臣本意非爲官榮可驗衰羸庶全名節上特賜歸山其詔略曰既養高以傲世類移山以釣名心惟樂於漱流仕非顯於食祿匪夷匪惠特忘反正之朝載省載思當徇遐棲之志宜放歸中條山詔辭乃璨之文也時多以四皓二疏譽之僧虛中云道裝汀鶴識春醉野人扶言其操履檢身非傲世者也又云有時看御札特地挂朝衣言其尊戴存誠非邀君也按雲仙雜記司空圖隱於中條山芟松枝爲筆管人問之曰幽人筆正當如是

鄭史

按江西通志鄭史字惟直宜春人開成元年進士爲易學博士積官末州刺史有賦百篇亡又有詩十二首見宜陽集子谷

鄭谷

按全唐詩話谷字若愚袁州人故宋州刺史之子幼年司空圖與刺史同院見而奇之曰曾吟得丈丈詩否曰吟得莫有病否曰丈丈曲江晚望斷篇云村南斜日問回首一對鴛鴦落渡頭即深意矣司空歎惜撫背曰當爲一代風騷主乾寧中爲都官郎中卒於家谷自敘云故許昌薛尚書能爲都官郎中後數年建州李員外自憲府內彈拜都官員外皆一時騷雅宗師都官之曹振盛於此余早受知今忝此官復是正秩何以相繼前賢耶

按江西通志鄭谷字守愚穎悟絕倫七歲能詩侍郎司空圖嘗與谷父史同院見谷奇之曰當爲一代風騷主光啓三年中進士第始爲京兆府鄠縣尉後爲拾遺補闕當時正人多稱之乾寧四年以都官郎中退居於仰山東莊之書堂自編其集曰雲臺篇傳於世其詠鴝鵒詩尤工號鄭鵒鵒

王駕

按山西通志王駕字大用河中人昭宗大順初進士及第仕至尚書禮部員外郎自稱守素先生與司空圖鄭谷爲詩友著有詩六卷

孫路

按浙江通志孫路富陽人少有詩名後隱居不仕鄭谷以詩贈之曰平生詩譽更誰過歸老東吳命若何知己凋零垂白髮故園寥落近滄波酒醒鮮砌花陰轉病起漁舟鷺迹多深入富春人不見閉門空掩半庭荷

陸龜蒙

按唐書本傳陸龜蒙字魯望元方七世孫也父賓虞

以文歷侍御史龜蒙少高放通六經大義尤明春秋舉進士一不中往從湖州刺史張搏游搏歷湖蘇二州辟以自佐嘗至饒州三日無所詣刺史蔡京率官屬就見之龜蒙不樂拂衣去居松江甫里多所論撰雖幽憂疾病實無十日計不少輟也文成竄棄篋中或歷年不省爲好事者盜去得書熟讀乃錄讎比勤勤朱黃不去手所藏雖少其精皆可傳借人書篇帙壞舛必爲輯裒刊正樂聞人學講論不倦有田數百畝屋三十楹田苦下雨潦則與江通故常苦飢身畚鍤蒺刺無休時或譏其勞答曰堯舜徵瘠禹胼胝彼聖人也吾一褐衣敢不勤乎嗜茶置園顧渚山下歲取租茶自判品第張又新爲水說七種其二慧山泉三虎丘井六松江人助其好者雖百里爲致之初病酒再葺乃已其後客至絮壺置杯不復飲不喜與流俗交雖造門不肯見不乘馬升舟設蓬席齋束書茶竈筆牀釣具往來時謂江湖散人或號天隨子甫里先生自比涪翁漁父江上丈人後以高士召不至李蔚盧攜素與善及當國召拜左拾遺詔下方龜蒙卒光化中韋莊表龜蒙及孟郊等十人皆贈右補闕陸氏在姑蘇其門有巨石遠祖續書事吳爲鬱林太守罷歸無裝舟輕不可越海取石爲重人稱其廉號鬱林石世保其居云

按北夢瑣言唐吳郡陸龜蒙字魯望舊名族也其父賓虞進士甲科浙東從事侍御史家於蘇臺龜蒙幼精六籍弱冠攻文與顏薨皮日休羅隱吳融爲益友性高潔家貧思養親之祿與張博爲吳興廬江二郡倅著吳興實錄四十卷松陵集十卷笠澤叢書三卷

丞相李公蔚盧公攜並重之羅給事寄陸龜蒙詩云龍樓李丞相昔歲仰高文黃閣今無主青山竟不焚蓋嘗有徵聘之意唐末以左拾遺授之詔下之日疾終光化三年贈右補闕韋莊撰誄文相陸希聲撰碑文給事中顏薨書皮日休博士爲詩友客死浙中方干詩名著於吳中陸未許之一旦頓作詩五十首裝爲方干新製時輩吟賞景仰陸謂曰此乃下官效方干之所作也方詩在模範中爾奇意精識者亦然之薛許州能以詩道爲己任還劉德仁卷有詩云百首如一首卷初如卷終譏劉不能變態乃陸之比也

皮日休

按北夢瑣言咸通中進士皮日休進書兩通其一請以孟子爲學科其略云臣聞聖人之道不過乎經經之降者不過乎史史之降者不過乎子不異道者孟子也捨是而子者必斥乎經史爲聖人之賊也云云文多不載請廢莊列之書以孟子爲主有能通其義者其科選同明經也其二請以韓文公愈配饒太學其略曰臣聞聖人之道不過乎求用用於生前則一時可知也用於死後則萬世可知也云云孟子荀卿翼傳孔道以至於文中子文中子之道曠矣其幾於室授者唯韓愈焉蹴及楊墨踐蹂釋老故得孔道炳然如日星焉吾唐以來一人而已苟不得在二十一賢之數則典禮未爲備也日休先字逸少後字襲美襄陽竟陵人也業文隱鹿門山號醉吟先生竊比大聖榜未及第禮部侍郎鄭愚以其貌不揚戲之曰子之才學甚富如一日何休對曰侍郎不可以一日廢二日謂不以人廢言也舉子咸推服之官至國子博士

士寓蘇州與陸龜蒙爲文友著文數十卷皮子三卷黃冠中遇害其子爲錢尚文吳越相

按湖廣通志皮日休字襲美襄陽人咸通中射策不中第退歸次其文名文藝作憂賦河橋霍山桃花賦九諷十原補周禮九憂歌春秋決疑其餘論議皆上剔遠非下補近失非空言也又請命有司選士去莊列書專以孟子爲主崔僕守蘇辟爲判官與陸龜蒙爲友著鹿門隱書十篇有松陵唱和集孫文燦亦能詩官鴻臚少卿

皮光業

按江南通志皮光業字文通父日休爲蘇州從事光業生於蘇十歲能屬文錢鏐辟以爲屬凡敎令儀注冬其所定美客儀善談論若神仙中人與父日休子燦三世皆以文雄江東

唐彥謙

按唐書唐儉傳儉裔孫彥謙字茂業多通技藝九工爲詩負才無所屈乾符末避亂漢南王重榮鎮河中辟幕府累表爲副歷晉絳二州刺史重榮軍亂彥謙貶與元參軍事節度使楊守亮表爲判官遷副使終閭壁二州刺史

按舊唐書文苑傳彥謙博學多藝文詞壯麗至於書畫音樂博飲之技無不由於輩流尤能七言詩少時師溫廷筠故文格類之光啓末王重榮爲部下所害朝議責參佐彥謙與書記李巨川俱貶漢中掾曹時楊守亮鎮興元素聞其名彥謙以本府參承守亮見之喜握手曰聞尚書名久之矣邂逅於茲翌日署爲判官累官至副使閭壁二州刺史卒於漢中有詩數

百篇禮部侍郎薛廷珪爲之序號鹿門先生集行於時子渙位亦至郡守

李巨川

按舊唐書文苑傳李巨川字下己隴右人國初十八學士道元之後故相逢吉之姪會孫父循大中八年登進士第巨川乾符中應進士屬天下大亂流離奔播切於祿位乃以刀筆從諸侯府王重榮鎮河中辟爲掌書記時車駕在蜀賊據京師重榮臣合諸藩叶力誅寇軍書奏請堆案盈几巨川文思敏速翰動如飛傳之藩鄰無不聳動重榮收復功巨川之助也及重榮爲部下所害朝議罪參佐貶爲漢中掾時楊守亮帥興元素知之聞巨川至喜謂客曰天以李書記遺我也即命管記室累遷幕職景福中守亮爲李茂貞所攻城陷以部下數百人欲投太原入奏爲華軍所擒巨川時從守亮亦被械繫在途巨川題詩於樹葉以遺華帥韓建詞情哀鳴建欣然解縛守亮誅即命爲掌書記俄而李茂貞犯京師天子駐蹕於華韓建以一州之力供億萬乘慮其不濟遣巨川傳檄天下請助轉餉同匡王室完葺京城四方書檄酬報輻湊巨川灑翰陳敘文理俱愜昭宗深重之即時巨川之名聞于天下昭宗還京特授諫議大夫仍留佐建光化初朱全忠陷河中進兵入潼關建懼令巨川見全忠送款至河中從容言事巨川指陳利害全忠方圖問鼎聞巨川所陳心惡之判官敬翔亦以文筆見知於全忠慮得巨川減落名價謂全忠曰李諫議文章信美但不利主人是日爲全忠所害

按北夢瑣言李巨川有筆述歷舉不第先以仕僞襄

王與唐彥謙俱貶於山南褒帥楊守亮優待之山南失守隨致仕楊軍容復恭與守亮同奔比投太原導行者引出華州復恭爲韓建挫辱極罵爲奴以短褐蒙之斃於枯木守亮檻送至京斬於獨柳樹京城百姓莫不沾涕此即南山一丈黑本姓皆黃巢時多救護導引朝士令趨行在人有逃黃巢而投附皆濟之由是人多感激也巨川爲韓建副使朱令公軍次於華用張潛計先收韓建其幕客張榮攜印率副使李巨川同詣轅門請降朱公謂曰車駕西幸皆公所敎也建曰某不識字凡朝廷章奏鄉道書檄皆巨川爲之因斬之識者謂韓建無行求解怒於朱公遂爲所賣時人冤之巨川有子慎儀仕後唐爲翰林學士唯張榮本與張潛有分將印而降叶潛之謀後仕至梁相朱公既得韓建以兄呼之尋奏移許州梁鳳曆初亦遇害也

杜荀鶴

按全唐詩話荀鶴有詩名號九華山人大順初擢第授翰林學士主客外郎知制誥序其文爲唐風集或曰荀鶴牧之微子也牧之會昌末自齊安移守秋浦時年四十四所謂使君四十四兩佩左銅魚者也時妾有姪出嫁長林鄉正杜筠而生荀鶴擢第年四十六矣

按北夢瑣言唐杜荀鶴嘗遊梁獻太祖詩三十章皆易曉也因厚遇之洎受禪拜翰林學士五日而卒按江南通志杜荀鶴字彥之石埭人甫七歲資穎豪邁志存經史比長擇居香林之勝與顧雲諸賢爲友景福二年進士及第官至翰林學士知制誥詩律自

成一家世號晚唐格所著有綠牕鎖翠若干卷或曰杜牧之守秋浦妾程氏有孕妻逐之適長林杜筠遺腹生荀鶴牧之示阿宣詩曰一子啾唧跨相門宣乎聞此若而人長林管領閑風月却有佳兒屬杜筠

顧雲

按江南通志顧雲貴池人少與杜荀鶴殷文圭肄業九華山文名籍甚登景福間進士第杜門著書後起修三朝實錄同羊昭業在史館時稱直筆加虞部員外郎

張喬

按江南通志張喬貴池人寓居長安延興門與弟霞俱有文名咸通中試月中桂詩京兆府解試首薦昭宗大順元年登進士第黃巢亂喬曰尚可以行道乎遂與伍喬棲老九華山有集二卷

夏鴻

按江南通志夏鴻貴池人進士第敦行義工文章名魁當時與兄鵬撰十三代史略以其餘為詩子乾錫樊知古師事之

韋篆

按江南通志韋篆貴池人以能賦名嘗抵京師翰林吳融奇其文光化間薦為京貢元歸隱九華山以終

殷文圭

按江南通志殷文圭貴池人居殷家村以殷姓著書讀書九華苦學硯為之穿有才名所為詩詞盛傳朱全忠錢鏐辟之不應乾寧中登進士累官翰林學士

張曙

按北夢瑣言唐右補闕張曙吏部侍郎裴之子祿之

姪也文章秀麗精神敏俊甚有時稱所生母常戴玉天尊黃巢亂離莫知存沒或有于枯骸中頭上見有玉天尊以曙未訪遺骸不合進取以此阻之後于裴贊侍郎下擢進士第官至右補闕會戲同年杜荀鶴曰杜十四仁賢大榮幸得與張五十郎同年荀鶴答曰張五十郎大榮幸得與荀鶴同年天下只聞杜荀鶴名字豈知張五十郎耶彼此大哈是知虛名不足定人優劣曙有擊毬賦其警句云董雙成青瑣鸞飛啄開珠網穆天子紅韁馬解踏破瓊田又有鄂郊賦敘長安亂離亦哀江南悲甘陵之比區區之荀鶴不足擬倫

鄭良士

按圖書良士舊名昌士字君夢博學善屬文唐昭宗景福二年獻詩五百篇授國子四門博士累遷康恩二州刺史兼御史中丞天復元年棄官歸隱乾化五年赴王審知辟命轉左散騎常侍沉厚寡言審知稱其長者有白巖文集詩集中疊集子元弼仕閩為禮部尚書元恭祕書省校書郎元素別駕元龜第宋進士官至司馬元禮推官元振員外郎元瑜祕書郎元忠正字兄弟俱博學能文時號鄭家八虎元弼行事見君長志

陳岳

按江西通志陳岳峽江人累官南昌觀察判官著唐書統紀一百卷子潛仕吳為翰林學士撰吳錄二十卷

楊彥伯

按江西通志楊彥伯字鼎臣新淦人大順間擢童子

科昭宗親試之彥伯應對詳雅上曰劉晏之徒也以詩賜之後為安福令州以異政聞賜緋魚歷官門下侍郎

胡會

按寶慶府志唐胡會字秋田邵陽人負才名工詩文天福間狀元及第西川節度使高駢鎮蜀辟會為從事時南詔蠻橫悖遺駢木夾辭極高慢駢命會撰牒諭之曰四方之于中土猶衆星之拱北辰百川之赴東海天地且不能違況于人乎詔蠻屈伏之和自是箋奏皆出會手後補寧遠令有惠政權廷唐令請于朝復立舜祠于王琯山下有敕建廟碑詳九疑志所著有味史詩三卷安定集十一卷行于世見唐史藝文志子靜甫良甫俱仕後祀會鄉賢

按全唐詩話王衍五年宴飲無度衍自唱韓琬柳枝詞曰梁苑隋堤事已空萬條猶舞舊春風何如思想千年事惟見楊花入漢宮內侍宋光溥詠會詩曰吳王恃霸棄雄才貪向姑蘇醉綠醅不覺錢塘江上月一宵西送越兵來衍怒罷宴會有詠史詩百篇行于世

趙觀文

按廣西通志趙觀文臨桂人乾寧二年狀元及第是年試觀文化成天下賦內出白鹿宣示百僚詩放進士榜二十五人觀文第八被斥者訴不當乃重試觀文遂魁多士是時劉季述輩專橫觀文以為言忤宰相崔蔭意謝病歸

武璫

按池州府志武璫官益陽令按杜彥之寄益陽武璫

明府詩有曰縣稱詩人理無嫌日寂寥溪山入城郭
戶口半漁樵月滿彈琴夜花香灑酒朝唐詩紀事曰
雍登咸通進士第唐末宰益陽雍有感事絕句詩初
投卷于知舉蕭做見是詩賞其有存故之志遂放及
第

袁皓

按全唐詩話皓宜春人咸通進士龍紀集賢殿圖書
使自稱碧池處士初登第過岳陽悅妓葉珠以詩寄
嚴使君曰得意東歸過岳陽枝枝香惹葉珠香也知
暮雨生巫峽爭奈朝雲屬楚王萬恨只憑期尅手寸
心唯繫別離腸南亭宴罷笙歌散回首烟波路渺茫
嚴君以妓贈之

按江西通志袁皓字退山宜春人博學工著述咸通
六年擢進士第任撫吉二州刺史有治聲龍紀元年
自集賢殿圖書使出採訪圖書二年赴闕卒所著碧
池書三十卷自稱碧池處士

張道古

按全唐詩話道古臨淄人景福中進士釋褐爲著作
郎遷右拾遺播遷之後方鎮阻兵道古上危亂疏云
只今劉備孫權已生于世矣謫施州司戶參軍後入
蜀王氏聞而憾之乃變姓名賣卜導江青城市中建
開國名爲武部郎中至玉壘關謂所親曰吾唐室諫
臣終不能拳跼與雞犬同食雖名必再貶於死之日
葬我於關東不毛之地題曰唐佐輔補闕張道古墓
後遇害妻亦繼亡蜀主憫之俾附葬焉鄭雲叟在華
聞之有詩哭之曰曾陳章疏忤昭皇撲落西南事可
傷豈使諫臣終屈辱疑天道惡忠良生前賣卜居

三蜀死後馳名遍大唐誰是後來修史者言君力死
正類綱

昭宗時張道古貢五危二亂表黜居于蜀後聞駕走
西岐又遷東洛皆契五危之事悉歸二亂之源因吟
一章上蜀王詩曰封章才達冕旒前黜詔俄離玉座
端二亂豈由明主用五危終被佞臣彈西巡鳳府非
爲固東播鑾輿卒未安諫疏至今如尙在誰能更與
讀來看

韋莊

按蜀檣机莊字端已杜陵人見素之後乾寧中舉進
士建奏爲掌書記昭宗遇弒梁祖即位遣使諭興元
節度王宗綰馳驛白建建議興復莊以兵者大事不
可倉卒而行乃爲建答宗綰書其略曰吾蒙主上恩
有年矣衣襟之上宸翰如新墨詔之中淚痕猶在犬
馬猶能報主而況人之臣子乎自去年三月東還連
貢二十表而絕無一使之報天地阻隔叫呼何及聞
上至轂水臣僚及宮僚千餘人皆爲汴州所害及至
洛果遭弒逆自聞此詔五內糜潰今兩川銳旅誓雪
國恥不知來使何以宣諭示此告勒令自決進退梁
使遂還梁祖復遣使通好以建爲兄莊得書笑曰此
神堯騎李密之意也建之開國制度號令刑政禮樂
皆莊所定拜平章事卒有浣花集二十卷
按全唐詩話莊字端已杜陵人見素之後曾祖少微
宣宗中書舍人莊疎曠不拘小節李詢爲西川宣諭
和協使辟爲判官以中原多故潛欲依王建建辟爲
掌書記尋召爲起居舍人表留之後相建爲僞平章
事感懷詩云長安方悟少年非人道新詩勝舊詩十

畝野塘留客釣一軒春雨對僧茶花間醉任黃鸝語
亭上吟從白鷺窺大道不將爐冶去有心重築太平
基或謂此詩包括生成果爲台輔

張蠟

按全唐詩話蠟字象文唐末登第尉櫟陽避亂入蜀
蜀王時爲金堂令徐后遊大慈寺見壁間題云牆頭
細雨垂纖草水面回風聚落花問寺僧僧以蠟對乃
賜霞光牋令寫詩以進蠟進二百首衍善之名爲知
制詰宋光嗣以蠟輕忽傲物遂止卒于官蠟生穎秀
幼有單于臺詩曰白日地中出黃河天外來爲世所
稱

溫憲

按全唐詩話溫憲員外庭筠子也僖昭之間就試於
有司值鄭相延昌掌邦貢以其父文多刺時復傲毀
朝士抑而不錄既不第遂題一絕于崇慶寺壁後榮
陽公登大用因國忌行香見之憫然動容暮歸宅已
除趙崇知舉即召之謂曰某頃主文衡以溫憲庭筠
之子深怒嫉之今日見一絕令人惻然幸勿遺也于
是成名詩曰十口溝隍待一身半年千里絕音塵餐
毛如雪心如死猶作長安下第人

李洞

按全唐詩話洞唐諸王孫也嘗遊西川慕賈浪仙爲
詩鑄銅像其儀事之如神洞爲終南山詩二十韻句
有殘陽高照蜀敗葉遠浮涇復曰刷竹烟嵐東倫漱
雨電腥遠平丹鳳闕冷射五侯廳贈司空侍郎云馬
饑餐落葉鶴病曬殘陽又曰卷箔清谿月敲松紫閣
書又送僧云越講迎騎象蕃齋懺射鵬上高僕射曰

征南破虜漢功臣提劍歸來萬里身閑倚凌烟金柱看形容消瘦老于真復日藥杵聲中搗殘夢茶鐺影裏煮孤燈送人歸東南云島嶼分諸國星河共一天時人但謂其僻澀而不能賞其奇峭唯吳子華深知之子華才力浩大八面受敵以韻著稱游刃頗攻騷雅嘗以百篇示洞洞曰大兄所示百篇中有一聯絕唱西昌新亭曰暖漾魚遺子晴游鹿引麝子華不怨所鄙而喜所許

洞三榜裴公第二榜策夜簾前獻詩云公道此時如不得昭陵慟哭一生休尋卒蜀中裴公無子人謂屈洞所致裴公贊也洞慕賈島鑄其像頂戴常念賈島佛

唐求

按茅亭客話唐末蜀州青城縣味江山人唐求至性純慈篤好雅道放曠疎逸幾平方外之士也每入市騎一青牛至暮醺酣而歸非其類不與之交或吟或詠有所得則將藁燃爲丸內于大瓢中二十餘年莫知其數亦不復吟詠其贈送寄別之詩布於人口暮年因臥病索瓢致於江中曰斯文苟不沉沒於水後之人得者方知我苦心耳漂至新渠江口有識者云唐山人詩瓢也探得之已遭漂潤損壞十得其二三凡三十餘篇行於世題鄭處士隱居云聞說最清曠及來愁已空數點石泉雨一溪霜葉風葉在有山處道成無事中酌盡一罇酒病夫顏亦紅贈行如上人云不知名利苦念佛老岷池補衲雲千片焚香一窠戀山人事少憐客道心多日日齋鐘後高懸濾水羅題青城山范賢觀云數里緣山不厭難爲尋真訣

問黃冠苔鋪翠點仙橋滑松纖香梢古道寒晝傍綠畦鋤嫩玉夜開紅竈然新丹鐘聲已斷泉聲在風動瑤花月滿壇贈僧云會開半偈雪山中貝葉翻時理盡通般若常添持戒力藥叉誰算念經功雲間曉月應難染海上孤舟自任風長說滿庭花色好一枝紅是一枝空夫草澤間有隱逸得志者以經籍自娛詩酒怡情不耀文彩不揚姓名其趨附苟且得無愧赧唐山人乎

方干

按北夢瑣言方干吳人也王龜大夫重之既延入內乃連下兩拜亞相安詳以答之未起問方又致一拜時號方三拜也

按浙江通志方干字雄飛桐廬人咸通中屢舉進士不第初居縣之鷓鴣源徐凝一見器之授以詩律干貌寢陋又免闕而喜陵侮嘗謁廉帥誤三拜人號方三拜晚遇醫補其屑又號補屑先生其詩多警句高秀異常廉帥方薦於朝而干則死矣門人私諡曰元英先生光化中補闕韋莊始奏追賜及第唐末宰臣張文蔚中書舍人封舜卿奏請賜一官後宋范文正公守睦州過其故居想像遺風繪像於釣臺以配子陵并祀鄉賢祠

詣釣所謁三拜踞石勿微移睫及邵懷不敢請久之魚餌隨失掉湖濱遽命之捕卻卸衣鳥往得之三拜悅手歸與烹草舍中盡歡而別後三拜嘗過邵詭其里山水佳秀學家家焉宋進士方斲方剛皆其裔斲字子木終嘉州文學剛字抑強終通直郎

陸辰

按江南通志陸辰字祥文光啓二年進士屬詞敏速嘗與諸學士金鑾殿上作賦辰獨先就昭宗歎曰貞元時陸贄吳通元兄弟善內庭文書後無繼者今朕得卿斯文不墜矣與宗人希載才名冠一時朝中稱爲二龍

吳仁璧

按江南通志吳仁璧字廷寶長洲人大順中及第善屬文嘗居廬山數年道士曰能學仙乎仁璧固陳求名之志道士曰一第猶拾芥耳但他年勿干英雄仁璧既成名吳越王錢鏐待以客禮欲辟之入幕固辭天復初鏐母奉國夫人水丘氏卒請爲誌文不從鏐怒沉之於江

羅鄴

按全唐詩話鄴餘杭人父則爲鹽鐵小吏有二子俱以文學干進鄴尤長七言詩

羅隱

按全唐詩話隱字昭諫餘杭人隱池之梅根浦自號江東生爲唐相鄭畋李蔚所知畋女覽隱詩諷誦不已畋疑有慕才意隱貌寢陋女一日簾窺之自此絕不味其詩廣明中池守竇滂營墅居之光啓中錢鏐辟爲從事節度判官副使梁祖以諫議召不行開平

中魏博羅紹威推爲叔父表授給事中年八十餘終餘杭墓翁

鍾陵妓雲英隱舊見之一日譏隱猶未第隱嘲之曰鍾陵醉別十餘春重見雲英掌上身我未成名君未嫁可能俱是不如人

按夢溪筆談浙帥錢鏐時宣州叛卒五千餘人送款錢氏納之以爲腹心時羅隱在其幕下屢諫以謂敵國之人不可輕信浙帥不聽杭州新治城樓櫓甚盛浙帥攜寮客觀之隱指却敵伴不曉曰設此何用浙帥曰君豈不知欲備敵耶隱謬曰審知是何不向裏設之浙帥大笑曰本欲拒敵設於內何用對曰以隱所見正當設於內耳蓋指宣卒將爲敵也後浙帥巡衣錦城武勇指揮使徐綰許再思挾宣卒爲亂火青山鎮入攻中城賴城中有備綰等尋敗幾於覆國按雲仙雜記羅隱喜筆工長鳳語之曰筆文章貨也吾以一物助子取高價即贈馬頭賤百幅士夫聞之懷金同價或以絲羅大組換之

按北夢瑣言唐羅給事隱顧博士雲俱受知於相國令狐公綰顧雖離商之子而風韻詳整羅亦錢塘人鄉音乖刺相國子弟每有宴會顧獨與之丰韻談諧莫辨其寒素之士也顧文賦爲時所稱而切於成名嘗有啓事陳於所知只望丙科盡處竟列名於尾株之前也羅既頻不得意未免怨望竟爲貴子弟所排契闊東歸黃寇事平朝賢議欲召之韋貽範沮之曰某曾與之同舟而載雖未有讎舟人告云此有朝官羅曰是何朝官我脚夾筆可以敵得數輩必若登科通籍吾徒爲糞糠也由是不果召

按南康府志羅隱字昭諫錢塘人詩名藉甚累舉進士不第遂放浪山水寓居都昌卒葬治西一里許宋開河掘得其墓有石鈴曰此地好行船權葬一千年直待顧主簿移我到望仙

楊顯

按江南通志楊顯宿松人工書史善吟詠羅隱避黃巢亂來松嘗倚寓焉倡和甚多

周朴

按全唐詩話朴唐末詩人寓於閩中僧寺假丈室以居不飲酒茹葷塊然獨處諸僧晨粥叩時食朴亦攜巾孟廁諸僧下畢飯而退率以爲常郡中豪貴設供率施僧錢朴即巡行拱手各丐一錢有以三數錢與者朴止受其一耳得千錢以備茶藥之費將盡復然僧徒亦未嘗厭也性喜吟詩尤尙苦澀每遇景物搜奇抉思日肝忘返荷得一聯一句則忻然自快嘗野逢一負薪者忽持之且厲聲曰我得之矣樵夫矍然驚駭掣臂棄薪而走遇巡微卒疑樵者爲偷兒執而訊之朴徐往告卒曰適見負薪因得句耳卒乃釋之其句云子孫何處閑爲客松柏被人伐作薪彼有一士人以朴僻於詩句欲戲之一日跨驢於路遇朴在旁士人乃歛帽掩頭吟朴詩云禹力不到處河聲流向東朴聞之忽遽隨其後且行士但促驢而去略不回首行數里追及朴告之曰僕詩河聲流向西何得言流向東士人領之而已閩中傳以爲笑黃巢集至福州求得朴問曰能從我乎答曰我尚不仕天子安能從賊巢怒殺之

張爲

按全唐詩話爲唐末江南詩人與周朴齊名如到處卽閉戶逢君方展眉最有詩稱杜光庭載毛仙翁事名千宇鴻漸元和間劉禹錫李紳白樂天輩皆贈詩至大中戊寅五十餘年矣是歲張爲薄游長沙不汲汲隨計獲女奴於岳麓下惑之歲餘成羸疾仙翁一見曰子妖氣邪光洩遍肌膚苟不相值殞於旦夕也以一粒授爲於香爐焚之郁烈之氣聞百步魅妾一號而斃乃木偶人也又吞以丹砂如黍者三疾遂瘳爲作詩別之曰羸形感神藥削骨生豐肌膚蘭煙靈烟妖怪立誅夷重親日月光何報父母慈黃河濁袞袞別淚流漸漸黃河情有特別淚無收期爲後入釣臺山訪道而去

僧貫休

按全唐詩話貫休姓姜字德隱婺州蘭溪人錢鏐自稱吳越國王休以詩投之曰貫休身來不自由幾年勤苦踏林丘滿堂花醉三千客一劍霜寒十四州萊子衣裳宮錦窄謝公篇詠綺霞羞他年名上凌烟閣豈羨當時萬戶侯鏐論改爲四十州乃可相見曰州亦難添詩亦難改然閑雲孤鶴何天而不可飛遂入蜀以詩投王建曰河北河南處處災惟聞全蜀少塵埃一瓶一鉢垂垂老千水千山得得來秦苑幽棲多勝景巴歛陳貢愧非才自慚林藪龍鍾者亦得親登郭隗臺建遇之甚厚建二年春令誦近詩時貴戚皆坐休欲諷之乃稱公子行云錦衣鮮華手擎鵲閑行氣貌多輕忽稼穡艱難總不知五帝三皇是何物建稱善貴倖皆怨之休與齊己齊名有西岳集十卷吳融爲之序卒死于蜀

按北夢瑣言沙門貫休鍾離人也風騷之外精於筆
劄舉止真率誠高人也然不曉時事往往詆訐朝賢
他亦不知己之是也非耶荊州成中令問其筆法休
曰此事須登壇而授非草草而言成令銜之乃遽於
黔中因病以鶴詩寄意曰見說氣清邪不入不知爾
病自何來以詩見意也馮涓大夫有大名於人間淪
落於蜀自比杜工部意謂他人無出其右休公初至
蜀先謁章書記莊而長樂公後至遂與相見欣然撫
掌曰我與你阿叔有分長樂怒而拂袖他日謁之竟
不逢迎乃曰此阿師似我禮拜也自是頻投刺字終
爲閤者所拒休謂常公曰我得得爲渠入蜀何意見
怪國清寺律僧嘗許具蒿脯未得間姜侍中宅有齋
律僧先在焉休公次至未揖主人大貌乃拍手謂律
僧曰乃蒿餅子何在其他皆此類通衢徒步行嚼果
子未嘗跨馬時人甚重之異乎廣宣白之流也

徐元之

按江西通志徐元之建昌人幼穎悟通經史年十七
擢進士累遷監察御史諫議大夫出爲湖州刺史遷
邠王府長史改曹州刺史有文集十卷藏於家

薛據

按湖廣通志薛據荆南人骨鯁有氣魄爲文亦卓犖
不羣嘗著古典詩見志殷璠急稱之仕至太子司議
郎

王肱

按國書王肱字用輔爲文好譏刺當世以是累舉不
第嘗著濟狀一篇言濁河貫清濟濟詰其浼涸時甚
奇之又有無題古詩一百三十首辭多悽惋

杜光庭

按雲南通志杜光庭青城人寓滇以文章教蒙氏嘗
書蒙國大詔碑精妙有法卒蒙學士爨泰葬之於玉
局峯麓其子死葬騰衝龍鳳山清平官張羅疋並爲
立廟

楊奇鯤

按全唐詩話奇鯤南詔大酋之心膂也僖宗時來朝
高駢自淮海飛章曰蠻酋用事惟奇鯤等數人請止
而鳩之帝用其策奇鯤有詞藻遂中詩云風裏浪花
吹又白雨中峯影洗還青沙鷗聚處愈前見林狖啼
時枕上聽

按雲南通志楊奇鯤檉榆人有文名

賈餘絢

按雲南通志賈餘絢蜀人善屬文尤長於書初寓雲
南西爨王碑其手書也

南唐

孫勣

鍾蒨

史虛白

周彬

陳陶

毛炳

鄭元素

徐知諤

喬匡舜

高遠

馮延巳

韓熙載

蒯鼈

夏竦

汪台符

伍喬

邵拙

孟賓于

歸唐胡助

潘寅

丘旭

僧應之

鍾輻

廖融

鍾謨

常夢錫

沈彬

陳貺

許堅

顏詡

黃可

徐遊

高越

李建勳

徐錯

潘佑

劉洞

江爲

郭昭慶

盧郢

朱弼

唐仁傑

羅穎

湯悅

孫晟

廖凝

廖光圖

王元

李該

朱存

翁宏

林楚才

文學典第六十一卷

文學名家列傳四十九

南唐

孫勣

按馬令南唐書本傳勣字伯魚性聰敏好學唐末都官員外郎鄭谷避亂歸江淮勣從之遊故其所吟詩頗有鄭體及吳武王據有江淮文雅之士駢集遂與沈彬李建勳爲詩社彬好評詩建勳嘗與彬議時勣不在席以勣詩詰之彬曰此非有風雅製度但得人間煙火氣多爾勣遽出讓彬曰非有風雅固然而謂得人間煙火氣耶彬笑曰子夜坐句云劃多灰襍蒼虬跡坐久煙消寶鴨香非爐上作而何闇坐大笑金山寺題詠衆因稱道唐張祐有僧歸夜船月龍出曉堂雲之句欲和衆皆闕筆勣復吟云山戴江心寺魚龍是四鄰樓臺懸倒影鐘磬隔層崖過櫓妨僧定驚濤濺佛身誰言題詠處流響更無人時人號爲絕唱有詩百篇行於世烈祖召見授宗正郎卒按全唐詩話潤州金山寺張祐孫勣畱詩爲第一篇

鍾謨

按馬令南唐書本傳謨字仲益會稽人也僑建康少爽悟博學屬文穎脫時輩元宗寵用之拔自下位累遷吏部郎中顯德中周師下揚光等州元宗遣謨與李德明奉表於世宗未報而孫晟王崇質繼至謨等謂世宗曰唐畏陛下神武保無二心願歸取表盡獻淮甸之地世宗許之遣德明崇質還江南而晟與謨皆留行在既而江南拒命世宗大怒案誅晟及館中二百餘人同死獨赦謨以爲耀州司馬謨在耀州以詩貽其州將其略云翩翩歸盡塞垣鴻殷殷開蟄戶蟲渭北離愁春色裏江南家事戰塵中江南暨周平世宗名謨授衛尉卿放還國謨作詩以獻其略云三年耀武羣侯服一日迴鑾萬國春南北通歡永無事謝恩歸去老陪臣世宗覽而悅之賜黃金五百兩將以問其君臣也元宗果銜之謨歸爲禮部侍郎判尚書省國政悉秉於中臺相府但糾轄而已謨既秉權鑄大錢改制度恃其才能挾中朝之勢尤橫恣不法世宗每遣使至必賜詔存問時太子冀叅愍庶政